

D E C R E T A

D E L I B R I S P R O H I B I T I S

N E C

I N I N D I C E N O M I N A T I M E X P R E S S I S

Cum non omnes libri, qui vi Constitutionum Apostolicarum, aut Decretorum Congregationum S. Officii, & Indicis prohibiti sunt, singillatim describi in Indice propter eorum ingentem numerum possint: necessarium visum est, huiusmodi libros ad certa quædam capita revocare, ac per materias, de quibus agunt, eorum veluti Indicem conficere, ut, si quod circa librum aliquem in Indice non descriptum, aut in Regulis ejusdem Indicis non comprehensum, exoritur dubium, intelligi possit, utrum inter prohibitos sit computandus.

§. I.

*Libri ab Hæreticis scripti, vel editi, aut ad eos,
sive ad Infideles pertinentes prohibiti.*

1. **A**genda, seu Formulæ precum, aut Officia eorundem.
2. Apologiæ omnes, quibus eorum errores vindicantur, sive explicantur, et confirmantur.
3. Biblia sacra eorum opera impressa, vel eorundem Annotationibus, Argumentis, Summariis, Scholiis, & Indicibus aucta.
4. Biblia sacra, vel eorum partes ab iisdem metricè conscriptæ.
5. Calendaria, Martyrologia, ac Necrologia eorundem.
6. Carmina, Narrationes, Orationes, Imagines, libri in quibus eorum fides, ac religio commendatur.
7. Catecheses, & Catachismi omnes, quamcumque inscriptionem præferant sive librorum Abecedariærum, sive Explicationum Symboli Apostolici, Præceptorum Decalogi, sive Instructionum, ac Institutionum Religionis Christianæ, Lectionum Communium, &c.

8. Colloquia, Conferentiæ, Disputationes, Synodi, Acta Synodalia de fide, & fidei dogmatibus ab eisdem edita, & in quibus explicationes quæcumque eorum errorum continentur.

9. Confessiones, Articuli, sive Formulæ fidei eorundem.

10. Dictionaria autem, Vocabularia, Lexica, Glossaria, Thesauri, & similes libri ab iisdem scripti, sive editi, ut Henrici, & Caroli Stephani, Joannis Scapulæ, Joannis Jacobi Hofmanni &c. non permittuntur, nisi deletis iis, quæ habent contra Religionem Catholicam.

11. Instruktionum, & Rituum sectæ Mahometanæ libri omnes.

§. II.

Libri certorum Argumentorum prohibiti.

1. **D**e materia Auxiliorum Divinorum libri, vel compositiones ex professo, vel incidenter, aut prætextu commentandi S. Thomam, vel quemlibet alium Doctorem, aut alia quavis occasione tractantes, impressi nulla obtenta licentia a Congregatione S. Officii.

2. De Beata Mariæ Virginis Conceptione libri omnes, Conceptiones, Disputationes, Tractatus impressi post annum 1617. in quibus assertitur, B. Virginem Mariam cum originali peccato conceptam esse; vel in quibus affirmatur, opinantes, B. Virginem fuisse in originali peccato conceptam, esse hæreticos, vel impios, vel peccare mortaliter.

3. Declarationes, Decisiones, Interpretationes Congregationis Concilii Tridentini, earumque Collectiones tam impressæ, quam imprimendæ, e mentito ipsius Congregationis nomine.

4. De Controversia exorta inter Episcopum Chalcedonensem, & Regulares Angliæ libri omnes, & singuli tractatus impressi, sive manuscripti, & omnia alia, quæ spectant directe, vel indirecte ad prædictam controversiam. Per hoc autem Decretum nihil intendit sacra Congregatio statuere de meritis causæ, vel ulli auctori, aut operi ignominiam aliquam, vel notam malæ doctrinæ inferre.

5. De doctrina libri Cornelii Jansenii Episcopi Iprensis, qui inscribitur *Augustinus*, libri omnes, & libelli, aut epistolæ tam impressæ, quam manuscriptæ, seu in posterum edende, & publicandæ, in quibus illa eo modo damnata, quo eam damnavit Alexander VII., vel ut est in V. Propositionibus damnata, propugnata, vel quomodolibet approbatur, aut defenditur.

6. De Constitutione *Unigenitus* Clementis XI. libri, aliaque scripta, in quibus illa subdole eluditur, temere carpitur, aut contemnitur, & impugnatur.

Item Libri, sive libelli vel scripti, vel typis editi, aut edendi in defensionem Libri inscripti: *Le Nouveau Testament en François avec des Reflexions morales sur chaque verset*: aut alio titulo: *Abregé de la Morale de l'Évangile etc.*

Item Actus, sive Instrumenta Appellationum quæcumque a Constitutione *Unigenitus* ad Concilium generale; nec non Judicia Theologorum, aut Facultatum Theologicarum, sive Academiarum: earumque Deliberationes, Consultationes, Acta, Decreta; quorumcumque etiam aliorum Mandata, Ordinationes, Arresta, Epistolæ; Interpretationes etiam, & Declarationes, ac scripta quælibet, quibus explicationis, aut alio quovis prætextu aliquid dicitur, vel scribitur, quod dictæ Constitutionis robur, atque auctoritas, & obligatio minui, aut infringi possit.

7. De Duellis agentes libri, litteræ, libelli, scripta, in quibus eadem duella defenduntur, suadentur, docentur. Si qui verò hujusmodi libri ad controversias sedandas, pacesque componendas utiles esse possunt, expurgati, & approbati permittuntur.

8. De Joannis Calâ asserti Anachoretæ prætensa sanctitate, miraculis, vaticiniis, visionibus, aliisque hujusmodi signis libri, codices, & folia quæcumque sive manuscripta, sive impressa.

Item Omnia & singula transumpta, seu copiarum tam impressarum, quam manuscriptarum Decreti a Vicario Generali Casanensium emanati, per quod idem Vicarius ausus fuit definitive pronunciare, eundem Joannem fuisse in quasi possessione cultus, atque ideo in eo manutenendum.

9. Libri omnes Immunitatem Bonorum Ecclesiasticorum impugnantes.

10. De Laminis plumbeis Arabico sermone, et antiquis characteribus conscriptis, ac in cavernis montis Illipulitani, dicti Sacri, prope Granatam repertis, & de Scripturis in turri Torpiana ejusdem civitatis inventis, libri omnes, Tractatus, Responsa, Consulta, Commentarii, Glossæ, Additamenta, Annotationes, & quæcumque alia, sive manuscripta, sive typis impressa. Alii vero libri, sive tractatus, qui ad alia argumenta spectant, obiter vero de his Laminis, vel de earum doctrina tractant, permittuntur, expunctis locis, quæ de his Laminis agunt.

11. De SS. Apostolis Petro, & Paulo libri omnes tam im-

pressi, quam manuscripti, in quibus asseritur, & defenditur, quod S. Petrus, & S. Paulus sunt duo Ecclesiæ Principes, qui unicum efficiunt: vel sunt duo Ecclesiæ Catholice Coryphæi, ac supremi Duces summa inter se unitate conjuncti: vel sunt geminus universalis Ecclesiæ vertex, qui in unum diviniissime coaluerunt: vel sunt duo Ecclesiæ summi Pastores, ac Præsides, qui unicum caput constituunt; atque hæc ita explicantur, ut ponatur omnimoda æqualitas inter S. Petram, & S. Paulum sine subordinatione S. Pauli ad S. Petrum in potestate suprema universalis Ecclesiæ.

12. De vera, & non interrupta successione filiorum S. Francisci, & de vera forma Caputii ejusdem libri omnes impressi, & qui inconsulta sacra Congregatione imprimantur, traetantes hanc eandem controversiam.

13. Pasquilli omnes ex verbis sacre Scripturæ confecti.

Item Pasquilli omnes etiam manuscripti, omnesque conscriptiones, in quibus Deo, aut Sanctis, aut Sacramentis, aut Catholica Ecclesiæ, & ejus cultui, aut Apostolica Sedi quomodocumque detrahatur.

14. Libri omnes agentes, ut vulgo dicitur, *delle venture, e delle sorti*.

§. III.

Imagines, et Indulgentiæ prohibitiæ.

1. Imagines cum laureolis, aut radiis, sive splendoribus, eorum, qui neque canonizationis, neque beatificationis honore insigniti sunt a Sede Apostolica.

2. Imagines Domini Nostri Jesu Christi, & Deiparæ Virginis Mariæ, ac Angelorum, Evangelistarum, aliorumque Sanctorum, & Sanctarum quarumcumque sculptæ, aut pietæ cum alio habitu, & forma, quam in Catholica, & Apostolica Ecclesia ab antiquo tempore consuevit vel etiam cum habitu peculiari alicujus Ordinis Regularis.

3. Imagines, Numismata inculpta pro Confraternitatibus Mancipiorum Matris Dei, Italice *Schiavi della Madre di Dio*, sodales catenatos exprimentia.

Item Libelli, in quibus eisdem Confraternitatibus regulæ præscribuntur. Confraternitates autem, quæ catenas distribuunt confratribus, & consorioribus, brachiis, & collo circumponendas, atque gestandas, ut eo signo Beatissimæ Virginis emancipatos se esse profiteantur, & quarum institutum ab eo mancipatu præcipue versatur, damnantur,

& extinguuntur. Societatibus vero, quæ ritum aliquem, aut quodcumque aliud ad mancipatum ejusmodi pertinens adhibent, præcipitur, ut id statim rejiciant.

4. Imagines, catenulæ, folia, libelli pro usu Confraternitatum sub invocatione SS. Sacramenti, B. Mariæ Virginis Immaculatæ, & S. Joseph sub titulo *Gregis bonis Pastoris* erectarum, & in quibus representantur homines penduli a Christo, a sacra Pyxide, a B. Virgine, a S. Josepho, & a quovis alio Sancto.

5. Imagines, ubi representatur puer Jesus in sublime elatus, & sub ipso tres Ecclesiæ Doctores, & in locum aliorum trium (qui representantur in Imaginibus ejusdem formæ jam pridem impressis) substituti sunt tres Presbyteri Regulares cum his versibus: *Jesu Doctorum intima qui nubes ignorantiae pellis virore gratiæ etc.*

6. Imagines sive depictæ, sive sculptæ, sive impressæ Joannem Calà quocumque sanctitatis, vel beatitudinis signo representantes.

7. Imagines, ubi representatur B. Virgo cum Filio in medio duorum Sanctorum Societatis Jesu, quorum uni tradit librum, alii Rosarium cum hac inscriptione: *Deipara Virgo cum Filio inspirat, commendatque Societati Jesu institutionem Sodalitatum, et Officii, Rosariiue usum.*

8. Inscriptiones omnes Imaginum SS. Francisci, et Antonii de Padua, in quibus dicitur, formam dabitur, qua depicti sunt, esse eandem, qua ipsi usi fuerunt: vel in quibus asseritur, in hoc, vel illo ordine S. Francisci esse veram, legitimam, & non interruptam ejusdem S. Patris in filios successionem.

9. Indulgentiæ omnes concessæ coronis, granis, seu calculis, crucibus, & imaginibus sacris ante Decretum Clementis VIII. an. 1597. editum *de forma Indulgentiarum.*

Item Indulgentiæ omnes concessæ quibuscumque Regularium Ordinibus, Confraternitatibus, secularibus, Capitulis, Collegiis, aut eorum Superioribus, ante Constitutionem ejusdem Clementis VIII. *Quaecumque* d. 7. decemb. 1604., & Pauli V. *Romanus Pontifex* d. 13. Maii. 1606., & *Quæ salubriter* d. 23. Novemb. 1610. revocatæ sunt, atque apocryphe habendæ, nisi ab iisdem summis Pontificibus, aut eorum successoribus renovatæ, ac confirmatæ fuerint.

10. Indulgentiæ concessæ coronis S. Birgittæ ab Alexandro VI., declarantur apocryphe, & nullius roboris, ac momenti, sine præjudicio tamen Indulgentiarum a Leone X. dictis coronis concessarum vi. Id. Jul. 1515.

11. Indulgentiæ concessæ crucibus S. Turibii ab Urbano VIII., tamquam falsæ habendæ sunt.

12. Indulgentiarum libri omnes, Diaria, Summaria, libelli, folia &c. in quibus earum concessionem continentur, non edantur absque licentia S. Congregationis Indulgentiarum.

§. IV.

*Quaedam ad Ritus Sacros spectantia,
quae prohibita sunt.*

1. **B**enedictiones omnes Ecclesiasticæ, nisi approbatae fuerint a sacra Rituum Congregatione.

2. Exorcismorum formulæ diversæ ab iis, quæ præscribuntur in Regulis Ritualis Romani, & earundem usus, absque prævio examine coram Ordinario.

3. Litaniam omnes, præter antiquissimas, & communes, quæ in Breviariis, Missalibus, Pontificalibus, ac Ritualibus continentur, & præter Litanias de B. Virgine, quæ in sacra æde Lauretana decantari solent.

4. Missalis Romani omnia exemplaria alterata post editum Pii V., præsertim quæ *Venetis* apud *Junctas*, *Sessas*, *Myserinum*, & ad *Signum Syrenæ*, atque *Europæ*, & quæcumque alios, impressa sunt ab anno 1596.

5. Officia B. Mariæ Virginis, vel Sanctorum, aut Sanctarum, aliaque hujusmodi absque approbatione S. Rituum Congregationis edita, vel edenda.

6. De Ritibus Sinicis, eorumque controversiis, aut illorum occasione exortis, libri, libelli, Relationes, Theses, folia, & scripta quæcumque post diem 2. Octobris 1710. edita, in quibus ex professo, vel incidenter, quomodolibet de iis tractetur, sine expressa, & speciali licentia Romani Pontificis in congregatione sanctæ, & universalis, inquisitionis obtinenda.

7. Rituali Romano additiones omnes factæ, aut faciendæ post reformationem Pauli V., sine approbatione Sac. Congregationis Rituum.

8. Rosaria quæcumque de novo inventa, aut inveniendæ, sine opportuna S. Sedis facultate, quibus authenticum Rosarium Dæo, & B. Mariæ Virgini sacrum antiquaretur.